

**Utoqqalinersiaqarneq pillugu Inatsisartut inatsisaata allanngortinneqarnera pillugu****Inatsisartut inatsisaat**

(Isumaginninnermut, Ilaqutariinut, Suliffeqarnermut Nunamullu Namminermut  
Naalackersuisoq)

pillugu

**Ilaqutariinnermut Peqqissutsimullu Ataatsimiititaliap****siunnersuutit aappassaaneerreqarnerannut****ISUMALIUTISSIISSUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq

Inatsisartunut ilaasortaq Anna Wangenheim, Demokraatit, siulittaasup tullia

Inatsisartunut ilaasortaq Doris J. Jensen, Siumut

Inatsisartunut ilaasortaq Dines Mikaelson, Siumut

Inatsisartunut ilaasortaq Mikivsuk Thomassen, Inuit Ataqatigiit

Inatsisartunut ilaasortaq Edvard Nielsen Aronsen, Inuit Ataqatigiit, sinniisussaq

Inatsisartunut ilaasortaq Mette Arqe-Hammeken, Naleraq

UPA2024-imi 9. april, siullermeerinerup kingorna siunnersuut ataatsimiititaliap misissorpaa.

**Siunnersuutip imarisaa siunertaalu**

Utoqqalinersiat pillugit Inatsisartut inatsisaannut allannguut ulloq 1. januar 2024-imi atuutilerpoq, taamaalilluni pilersuisussaaqatigiinnermut malittarisassat atorunnaarsinneqarlutik. Pilersuisussaaqatigiinneq pillugu malittarisassat atorunnaarsinneqarnerat utoqqalinersianut tapit naatsorsorneqartarnerannut utoqqalinersiallit ilaannut siunertaangitsumik pitsaangitsumik kinguneqarsimavoq, matumani ilanngullugit utoqqalinersiallit utoqqalinersiaqarsinnaatitaangitsumik aappaqartunut, aappariillu ukiumut 300.000 kr.-t ataallugit isertitaqartartunut. Allannguut utoqqalinersiallimmut aappaqartumut kisermaatut tapeqarsinnaajunnaarneranik kinguneqarpoq. Taamaattumik januar 2024-imi Naalackersuisut 2024-imut Aningaasanut Inatsimmut immikkut oqaasertaliinissap akuersissutigineqarnissaa Aningaasaqarnermut Akileraartarnermullu Ataatsimiititaliaanut qinnutigaat, taamaalilluni 1. Februar aallarnerfigalugu kommunit utoqqalinersialinnut

siusinnerusukkut § 5, imm. 2-mut ilaatinneqarsimasut tapinik akiliuteqartarnissamut inatsisitigut tunngavissaqalerput.

Utoqqalinersiat pillugit Inatsisartut inatsisaanut allannguutissatut siunnersuummi iluarsisami utoqqalinersiallit utoqqalinersiaqarsinnaatitaanngitsunik aappallit, aamma ukiumut 300.000 kr.-nit ataallugit isertitaqartartunut kisermaatut tapeqarsinnaatitaaner atatuutilerseqqinneqarpoq, peqatigisaanillu 2024-imut Aningaasanut Inatsimmi utoqqalinersianut tapeqarsinnaatitaaneq pillugu oqaasertaliussaq peerneqarluni. Siunnersuummi isertitakinnerpaat annertusisamik utoqqalinersiaqarsinnaaner at qulakkeerneqarpoq, malittarisassallu aqunneqarnerat pisariinnerulersinneqarluni.

Inatsisartut inatsisaat atortussanngortinneqarnerata aqaguani atuutilersinneqassasoq siunnersuutigineqarpoq.

### **Siunnersuutip Inatsisartuni siullermeerneqarnera**

Siullermeerneqarnerani ukiut ingerlanerini Inatsisartut inatsisaata allannguutigisarsimasai pillugit aamma siunertarineqanngitsumillu kingunerisarsimasai pillugit oqallisigilluarneqarput. Taamaattorli utoqqalinersiallit aningaasatigut atugaasa ajorseriaateqannginnissaat annertuumik isumaqatigiissutigineqarpoq, immikkoortorlu ataatsimiititaliami suliarineqarnissaa innersuussutigalugu.

### **Tusarniaaneq**

Siunnersuummut nalinginnaasumik oqaaseqaatini tusarniaaneq pillugu immikkoortumi allassimavoq siunnersuut tusarniaassutigineqarsimannngitsaq. Siunnersuut kommunit isumaginninnermut ingerlatsivii aamma KIMIK IT A/S kommunit utoqqalinersianik tunniussisarneranni sulianik suliarinnittarnermut aaqqissuussaanik ineriartortitsinermik ingerlatsisoq peqataatinneqartuartut Naalakkersuisut oqaatigaat. Tamatuma saniatigut Aningaasaqarnermut Akileraartarnermullu Naalakkersuisoqarfik suliap ingerlanerani immersueqataavoq.

### **Siunnersuutip aningaasatigut kingunerisassai**

Siunnersuutip piviusunngortinneqarnerani aningaasatigut kingunerisassai siunnersuummut nalinginnaasumik oqaasertaliussani allaaserineqarput.

Siunnersuutip akuersissutigineqarnerani aningaasatigut annertunerusumik kinguneqarnissaa naatsorsutigineqanngitsaq siunnersuummut nalinginnaasumik oqaaseqaammi allassimavoq. Tunngavigineqartut aallaavigalugit allatut naliliissalluni pissutissaqanngitsaq ataatsimiititaliaq isumaqarpoq. Ataatsimiititaliap tatigaa apeqqut pillugu Naalakkersuisut peqqissaarullugu misissuisimasut, taamaalillunilu aningaasatigut kingunerluutigisinnaasai pinngitsoortinneqassallutik. Taamaakkaluartoq pisortanut annertunerusumik aningaasatigut

kinguneqassagaluarpit aningaasaliissutigineqareersimasunit matussuserneqarsinnaassapput, taamaaliortoqassappalli suliniutit allat salliutinneqannginnissaannik kinguneqassaaq.

**Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisumik ilisimatitsiffiusumik ataatsimeeqatigineqarnera**

Naalakkersuisup ataatsimiititaliaq ulloq 18. april 2024-imi ilisimatitsiffiusumik ataatsimeeqatigiinnissamut aggersarpaa. Ataatsimiinnermi atortut isumaliutissiissummut matumunnga ilanngussaq 1-itut ilanngunneqarput.

**Ataatsimiititaliap siunnersuummik suliarinninnera**

Inatsimmi allannguutit kingulliit siunertarineqanngitsumik kingunerisimasaasa aaqqiivigineqarnissaasa tamanit soqutigineqarsorinartoq ataatsimiititaliamit aallarniutigalugu oqaatigineqassaaq. Ilisimatitsiffiusumik ataatsimiinnermi atortorisat isumaliutissiissummut ilanngussami 1-miittut ataatsimiititaliamit innersuussutigineqarput, tassani utoqqalinersianut tapit naatsorsorneqarnerat ersarissumik allassimapput, aamma isertitat assigiinngitsut naatsorsoqqissaarneqarsimaneri allassimallutik. Taamaattumik Naalakkersuisut paasissutissanik inatsimmut allannguutinik siunertaasumut tapersersuutaasunik saqqummiussisimasorinarput.

Aningaasatigut ajornartoortunut, soorlu malittarisassani allannguutit 1. januar 2024-mi atuutillermata utoqqalinersiallit ilaannut taama atugaqartitaasimasunut, tapiissuteqarsinnaanermik periarfissaq pillugu Naalakkersuisut kommuninik oqaloqateqarsimanerat ataatsimiititaliamit naggasiutigalugu oqaatigineqassaaq. Tassunga atatillugu ataatsimiititaliamit oqaatigineqassaaq inatsisit malinneqarsimanerat pissutigalugu tamatuma ajoraluartumik periarfissaannginnera Naalakkersuisunit atortussani ilanngussaq 1-imi allassimammat.

**Ataatsimiititaliap inassuteqaatai**

- Ataatsimiititaliami amerlanerussuteqartut Inuit Ataqtatigiinneersut, Siumumeersut Demokraatineersullu siunnersuut akuerineqassasoq inassutigaat

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

---

Mala Høy Kúko

Siulittaasoq

---

Anna Wangenheim

Siulittaasup tullia

---

Dines Mikaelen

---

Doris J. Jensen

---

Mikivuk Thomassen

---

Edvard Nielsen Aronsen,  
sinniisussa

---

Mette Arge-Hammeken

